

庶物類纂

草屬
自八十六至八十九

容

太政官文庫	
和書門類	特別
二二三六二號	一
茅五十四番函	二
四六五册架	三



内閣文庫	
番號	和 32362
册數	465 (29)
函號	特 54 1

五十七内

共册







庶物類纂草屬卷之八十六目次
葛 附葛粉

庶物類纂

卷八十六


草屬目次

葛

俗名忽事

葛

葛陶隱居云即今之葛根人皆蒸食之當取入土淺
 大者破而日乾之生者擣取汁飲之解溫病發熱其
 花並小豆花乾末服方寸匕飲酒不知醉南康盧陵
 間最勝多肉而少筋甘美但為藥用之不及此間爾
 五月五日日中時取葛根為屑療金瘡斷血為要藥
 亦療瘡及瘡至良唐本注云葛穀即是實爾陶不言
 之葛雖除毒其根入土五六寸已上者名葛脰音脰
 頸也服之令人吐以有微毒也根本 獬狗齧並



飲其汁良蔓燒為灰水服方寸匕嘉祐補註本草

謹按本草葛花一名雞齊根一名鹿藿一名黃斤

爾雅翼以此三名為食葛之別名云葛締絡草也

又云雞齊一名鹿藿一名黃斤今之食葛非為締

絡者也以葛雞齊分為二條鄭夾漈爾雅註云土

瓜俗呼新羅葛月令謂之王瓜八閩通志云土瓜

一名新羅葛藤似葛蓋食葛即土瓜也兩物俱有

葛之名而根可食其可作粉亦同也

葛根生汶山川谷今處處有之江浙尤多春生苗引

藤蔓長一二丈紫色葉頗似楸葉而青七月著花似

豌豆花不結實根形如手臂紫黑色五月五日午時

採根曝乾以入土澆者為佳今人多以作粉食之甚

益入下品有葛粉條即謂此也本草圖經

葛根濃鼎之間冬月取生葛以水中揉出粉澄成塚

先煎湯使沸後擊成塊下湯中良久色如膠其體甚

韌以蜜湯中拌食之擦少生薑尤佳大治中熱酒渴

疾多食行小便亦能使入利病酒及渴者得之甚良

彼之人又切入煮茶中以待賓但甘而無益又將生


葛根煮熟者作果賣虔吉州南安軍亦如此賣宋寇宗奭

本草行義

葛有野生有家種其蔓延長取治可作絺綌其根外紫內白長者七八尺其葉有三尖如楓葉而長面青背淡其花成穗纍纍相綴紅紫色其莢如小黃豆莢亦有毛其子綠色扁扁如鹽梅子核生嚼腥氣八九月采之本經所謂葛藟是也唐蘇恭亦言葛藟是實而宋蘇頌謂葛花不結實誤矣其花曬乾亦可燻食

明李東璧本草綱目

李氏曰葛根出江浙閩廣所在有之有野生有家種鹿食九草此其一也春生苗引藤延蔓長二三丈取用可作絺綌各以土地之宜以別精粗美惡耳葉有三尖如楓葉而長面青背淡七月開花成穗纍纍相綴紫粉色似豌豆花結實似小黃豆莢上有毛其子綠色而扁似梅核生嚼有腥氣八九月采之神農經所謂葛藟是也根外紫內白大如臂長八九尺以入土最淺者良五月中采根曝乾用陶隱居曰出南康廬陵間最勝多肉少筋味甚甘美搗汁飲可辟暑解



瘟病大熱明倪朱謨本草彙言

葛一名黃斤一名鹿藿一名雞齊處處有之江浙尤多有野生有家種春生苗引藤蔓長一二丈治之可作布根外紫內白大如臂長者七八尺葉有三尖如楓葉而長面青背淡七月著花紅紫色纍纍成穗曬乾可煤食莢如小黃豆莢有毛綠色形扁如鹽梅子核生醬腥七八月採明王蓋臣二如亭羣芳譜採葛夏月葛成嫩而短者留之一丈上下者連根取謂之頭葛如太長看近根有白點者不堪用無白點

者可截七八尺謂之二葛同上

練葛採後即挽成網繫火煮爛熟指甲剝看麻白不黏青即剝下長流水邊捶洗淨風乾露一二宿尤白安陰處忌日色紡之以織同上

洗葛衣清水揉梅葉洗經夏不脆或用梅葉搗碎泡湯入磁盆內洗之忌用木器則黑同上

葛詩葛之覃兮按葛一名黃斤一名鹿藿一名雞齊有野生有家種春長苗引藤蔓延治之可作布根外紫內白大如臂長者五六尺葉有三尖如楓葉七月著花纍纍成穗莢如小黃豆宜七八月採之○明徐光啓農政全書

採葛法夏月葛成嫩而短者留之一丈上下者連根取謂之頭葛如太長看近根有白點者不堪用無白點者可截七八尺謂之一葛同上


練葛法採後即挽成網緊火煮爛熟指甲剥看麻白不黏青即剥下長流水邊捶洗淨風乾露一宿尤白安陰處忌日色紡之以織同上

葛根端陽日採破之曬乾敷蟲蛇傷平時採之亦可蒸及作粉食同上

葛花採之曬乾燂食同上

洗葛衣法清水揉梅葉洗前夏不脆或用梅樹葉擣碎泡湯入磁盆內洗之忌用木器則黑同上

葛根一名雞齊根一名鹿藿一名黃斤生汶山川谷及成州海州浙江并濃鼎之間今處處有之苗引藤蔓長二三丈莖淡紫色葉頗似楸葉而小色青開花似豌豆花粉紫色結實如阜茨而小根形如手臂味甘性平無毒一云性冷殺野葛巴豆百藥毒救飢掘取根入土深者水浸洗淨蒸食之或以水中揉出粉澄濾成塊蒸煮皆可食及採花曬乾燥食亦可同上



玄扈先生曰嘗過上同

野葛食之殺人人家葛種之三年不收後旅生亦不可

食晉張華博物志

葛曰雞齊根曰鹿藿曰黃斤而菌亦謂之鹿藿宋鄭

昆蟲草木略

謹按鄭夾漈亦以雞齊鹿藿黃斤三名為衣葛之

別名

葛締絡草也國風曰葛之覃兮施于中谷維葉莫莫是刈是獲又曰葛生蒙楚蔕蔓於野旄丘之葛兮何

誕之節兮葛生山澤間其蔓延盛者牽其首以至根

可二十步釋丘云前高則旄丘之葛益誕闊矣此言

雖同根一體然相去差遠其緩急不相應也故曰叔

兮伯兮何多日也黎之望於衛亦如此矣吳都賦蕉

葛升越弱於羅紈禹貢卉服注云草服葛越葛花藤

皆可醒酒去酒毒漢江都王建傳云繇王閭侯遺建

今之葛布也○宋羅願爾雅翼

揚州賣葛根其狀甚麤大買食者多吐血死原其下

有毒蛇蟠屈毒人如此趙康靖公聞見錄皇朝類苑

釋草云卉草舍人曰凡百草一名卉知卉服是草服

葛越也葛越南方布名用葛為之左思吳都賦云蕉

葛升越弱於羅紈是也羅萃云卉今之黃草淮南子云於越生葛絺○明茅瑞徵

禹貢 淮疏

食葛即葛根也大如臂甘美多汁謂之綿葛小者藤

葛四會高要山中甚多搗粉為丸貨之肇慶府志

葛根金壇人掘而蒸之以登俎豆謂之麪葛重修鎮江府志

乾葛一名野葛藤可作布瓊州府志

葛春生苗引蔓長一二丈葉頗似葡萄葉大而且厚

青色微有毛七月著花似豌豆花不結實根形如手

臂淡黃色五月五日採根曝乾以入土淡者為佳邵武府志

府志

葛性柔韌蔓生可衣五雲門外有葛山吳越錄越王

種葛於此民歌曰令我採葛以作絺紹興府志

葛蔓生可絺俗者土人近學製之儋州志

近世方書謂野葛有毒傷胎遂將姪娠婦人方中葛

根改為家葛殊不思本草作於神農氏當此之時人

尚無家葛焉家哉有野葛者自是一種大毒殺人不


啻傷胎而已魏武啖至一寸者是也非葛也若因此物道聽塗說豈不迂哉

方有執傷寒論條辨

葛一名鹿藿產南方春初生苗引藤蔓長一二丈葉類楸青而小七月開花紅紫色結莢累累似豌豆形但不結實根形大如手臂紫黑色端午採根曝乾以入土深者為佳其藤皮可作絺綌惟廣中出者為最根可作粉能解酒病

清陳湜子秘傳花鏡

葛粉



葛粉

葛根生汶山川谷今處處有之江浙尤多春生苗引藤蔓長一二丈紫色葉頗似楸葉而青七月著花似豌豆花不結實根形如手臂紫黑色五月五日午時採根曝乾以入土澆者為佳今人多以作粉食之甚益入下品有粉條即謂此也 本草圖經

葛根濃鼎之間冬月取生葛以水中揉出粉澄成珠先煎湯使沸後攪成塊下湯中良久色如膠其體甚韌以蜜湯中拌食之擦少生薑尤佳大治中熱酒渴

疾多食行小便亦能使入利病酒及渴者得之甚良
彼之人又切入煮茶中以待賓但甘而無益
宋寇宗奭本草

行義

黃斤乃食葛非衣葛也羅願曰雞齊一名鹿藿一名
黃斤生蔓延生食甜脆亦可蒸食今之食葛非為締
綌者也今南楚兩粵專採葛根作粉食此藤即可布
粉可作丸曰葛粉廣人以假西國米能醒酒或曰廣
昌種葛如土瓜
明方以智通雅
葛根可作粉能解酒病
清陳湜子秘傳花鏡

庶物類纂草屬卷之八十七目次

蘿摩草

雀飄

女青

蘿藦草

一名藿爾雅 一名芄蘭同上 一名雀瓢毛詩草木
 疏 一名苦丸備急千金要方 一名斫合子本草拾遺 一名
 薰桑同上 一名鷄腸同上 一名白環藤嘉祐補註本草 一
 名羊角菜救荒本草 一名羊孀科同上 一名合鉢兒
同上 一名婆婆鉞扎兒同上 一名細絲藤同上 一名
 過路黃同上 一名羊孀孀本草綱目 一名婆婆鉞線
 包同上 一名婆婆鉞袋兒同上 一名蛇頭草醫法指南

俗名哥烏革眉駿河州又名秃莫復那地出羽州
又名哥革密紫而陸奥州

蘿摩草

藿_六芄_六蘭_六 爾雅○
藿音貫

藿芄蔓生斷之有白汁可啖 晉郭璞
爾雅註

藿一名是芄蘭郭云藿芄蔓生斷之有白汁可啖案

如此注則以藿芄一名蘭或傳寫誤芄衍字詩衛風

云芄蘭之支陸璣云一名蘿摩幽州人謂之雀瓢宋邢

易爾雅疏

藿音貫即蘿摩菜蔓生斷之有白汁可啖 宋鄭夾漈
爾雅註

蘿摩唐本注云按雀瓢是女青别名葉蓋相似以葉

似女青故兼名雀瓢今按陳藏器本草云蘿藦條中
 白汁主蜘蛛蠶咬折取汁點瘡上此汁爛絲煮食補
 益按陶注枸杞條云傳腫東人呼為白環藤生籬落
 間折有白汁一名雀瓢此注又云雀瓢是女青然女
 青終非白環二物相似不能分別唐本先附臣禹錫等謹
 按爾雅云藿芄蘭釋曰藿一名芄蘭郭璞云藿芄蔓
 生斷之有白汁可啖如此注則以藿芄一名蘭或傳
 寫誤芄衍字嘉祐補註本草
 斫合子無毒主金瘡生膚止血搗碎傅瘡上葉主目

熱赤按滴目中云昔漢高帝戰時用此傳軍士金瘡
 故云斫合子籬落間藤蔓生至秋霜子如柳絮一名
 薰桑一名鷄腸陳藏器餘○宋唐慎微證類本草
 白環即芄字之訛也其實嫩時有漿裂時如瓢故有
 雀瓢羊婆孃之稱其中一子有一條白絨長二寸許
 故俗呼婆婆錢線包又名婆婆錢袋兒也明李東璧本草綱目
 斫合子即蘿藦子也三月生苗蔓延籬垣極易繁衍
 其根白軟其葉長而後大前尖根與莖葉斷之皆有
 白乳如構汁六七月開小長花如鈴狀紫白色結實

長二三寸大如馬兜鈴一頭尖其殼青軟中有白絨
 及漿霜后枯裂則子飛其子輕薄亦如兜鈴子商人
 取其絨作坐褥代綿云甚輕暖詩云芄蘭之支童子
 佩觿芄蘭之葉童子佩觿觿音解結角錐也此物實
 尖垂于支間似之音張弓指彀也此葉后彎似之
 故以此與也一種莖葉及花皆似蘿藦但氣臭根紫
 結子圓大如豆生青熟赤為異此則蘇恭所謂女青
 似蘿藦陳藏器所謂二物相似者也蘇恭言其根似
 白微子似瓢形則誤矣當從陳說此乃藤生女青與

蛇銜根之女青名同物異互攷之

明李東璧
本草綱目

謹按女青有三種蛇銜根也雀瓢也李東璧所注
 者也三物同名而其實異也

蘿藦味甘平無毒一名苦丸其葉厚大作藤生摘之
 有白汁出人家所種亦可生啜亦可蒸煮食之補益
 與枸杞葉同唐孫真人備
急千金要方

芄蘭一名蘿藦幽州人謂之雀瓢蔓生葉青綠色而
 厚斷之有白汁驚為茹滑美其子長數寸似瓠子唐
陸

璣毛詩草木
鳥獸蟲魚疏

詩芄蘭之支童子佩觿解結雖也芄蘭生莢支出於葉間垂之正如解結雖所謂佩觿者疑古人為鞮之制亦當與芄蘭之葉相似但今不復見耳宋吳門沈存中筆談

謹按陸疏廣要云按說文說苑石經俱作芄蘭之枝許慎云枝木別生枝條也

治白癩風用蘿藦草白汁傳上指之令破再傳三度差明胡源潔衛生易簡方

治火丹遍身赤腫用蘿藦草搗汁傳之或搗傳應手

即消同上

羊角菜又名羊孀科亦名合鉢兒俗名婆婆鉞孔兒又名細絲藤一名過路黃生田野下溼地中拖藤蔓而生莖色青白葉似馬兜零葉而長大又似山藥葉亦長大面青背頗白皆兩葉相對生莖葉折之俱有白汁出葉間出萌開五瓣小白花結角似羊角狀中有白穰其葉味甘微苦救飢採嫩葉燂熟換水浸去苦味邪氣淘淨油鹽調食明徐光啓農政全書蘿藦俗名婆婆鉞線包本草稱其強陰益精之功而

本草綱目卷之八十一

古方多不用。今以傳丹毒赤腫蛇蟲毒即消。蜘蛛傷治不愈者，搗封三二度，能爛絲毒即化。為濃重修鎮江府志。蘿摩一名斫合子，人家多種之。三四月生苗，延籬垣間極易繁衍。其根白軟，其葉長而後大，前尖根與莖葉摘之皆有白汁。六七月開小長花，如鈴狀，紫白色。結實長二三寸，大如馬兜鈴，一頭尖，其殼青軟，中有白絨及漿，霜後枯裂，則子飛。其子輕薄，亦如兜鈴子。土人取其絨作坐褥，以代綿，亦輕煖。清陳湜子秘傳花鏡。蛇頭草一名婆婆鉞線包，子內有似楊花者。清李夢龍醫法

南指

本草綱目卷之八十一 草屬 蘿摩草 六

鳥物類編 卷八十一

雀瓢

俗名革貌眉紫而
州加賀

鳥物類編 卷八十一

草屬

雀瓢

一

雀瓢

女青陶隱居云若是蛇銜根不應獨生朱崖俗用是
 草葉別是一物未詳孰是術云帶此屑一兩則疫癘
 不犯彌宜識真者唐本注云此草即雀瓢也葉似蘿
 摩兩葉相對子似瓢形大如棗許故名雀瓢根似白
 薇生平澤莖葉並臭其蛇銜根都非其類又別錄云
 葉嫩時似蘿摩圓端大莖實黑莖葉汁黃白亦與前
 說相似若是蛇銜根何得苗生益州根在朱崖相去
 萬里餘也別錄云雀瓢白汁主蟲蛇毒即女青苗汁

也 嘉祐補注本草

謹按諸書說女青紛糾不一唐本注云葉似蘿藦
兩葉相對子似瓢形大如棗許故名雀瓢根似白
薇生平澤據此則今人所謂鷓鴣藤者是也葉類蘿
藦而狹尖略似徐長卿葉開花紺青色結子與蘿
藦一樣而小病隔噎者煮食多愈此名雀瓢而與
蘿藦女青異也唐本又云莖葉並臭此綱目所謂
莖葉及花皆似蘿藦但氣臭根紫結子圓大如豆
生青熟赤者即真女青而其辟瘟疫者是也蓋草

之名雀瓢者有二種而苗葉亦相類故致易混爾
又下有女青條云蛇銜根也生朱崖陶隱居蘇恭皆
以為若是蛇銜根不應獨生朱崖或云是雀瓢即蘿
藦之別名或云二物同名以相類故也醫家鮮用亦
稀識別故但附著於此蛇含條
本草圖經

汪機曰蘿藦以子言女青以根言蛇銜以苗言三者
氣味功用大有不同諸註因其同名雀瓢而疑為一
物又因其各出州郡而復疑為二物本草明言女青
是蛇銜根豈可以根苗異地而致疑如蘿藦芎藭所

產不同亦將分為二物乎如赤箭徐長卿同名鬼督郵亦將合為一物耶明李東璧本草綱目
謹按汪氏合蘿摩女青蛇銜為一物謬也

女青

一名雀瓢神農本草 一名烏葛廣雅

俗名別忽促草紫賴州山城

本草綱目卷之八十一

女青

女青烏葛也

魏張揖廣雅

女青有二一、是藤生乃蘇恭所說似蘿摩者一種草生則蛇銜根也蛇銜有大小二種葉細者蛇銜用苗莖葉大者為龍銜用根故王燾外臺祕要龍銜膏用龍銜根煎膏治癰腫金瘡者即此女青也陳藏器言女青蘿摩不能分別張揖廣雅言女青是葛類皆指藤生女青非此女青也別錄明說女青是蛇銜根一言可據諸家止因其生朱崖致疑非矣方土各有相

本草綱目

卷之八十一

草屬

女青

二

傳不同爾況又不知有兩女青乎又羅浮山記云山有男青似女青此則不知是草生藤生者也明李東璧本草

綱目

一種莖葉及花皆似蘿摩但氣臭根紫結子圓大如豆生青熟赤為異此則蘇恭所謂女青似蘿摩陳藏器所謂二物相似者也蘇恭言其根似白薇子似瓢形則誤矣蘿摩條
○同上

治瘟疫流行以正月上寅日擣女青即雀瓢是也束之以三角絳囊繫前帳中大辟瘟氣明盧翰月令通攷

女青葉圓而臭兩葉相對結子似瓢大如棗根似白

薇味辛平有毒明聶尚恆醫學彙函

女青本草即雀瓢瓊州府志

庶物類纂草屬卷之八十八目次

仙沼子

青木香

馬兜鈴

仙沼子

一名合子草本草拾遺一名預知子嘉祿補註本草一名

蓋合子同上一名聖知子同上一名聖先子同上

名聖無憂同上

俗名哥己紫而如賀州又名思事迷烏里山城州

本草綱目卷之八十八

仙沼子

合子草有小毒子及葉主蠱毒螫咬唐陳藏器本草拾遺岸傍葉尖花白子中有兩片如合子

預知子味苦寒無毒殺蟲療蠱治諸毒傳云取二枚

綴衣領上遇蠱毒物則聞其有聲當便知之有皮殼

其實如阜茨子去皮研服之有效附今臣禹錫等謹按

日華子云蓋合子溫治一切風補五勞七傷其功不

可備述竝治疹癬氣塊天行溫疾消宿食止煩悶利

小便催生解毒藥中惡失音髮落傳一切蛇蟲蠶咬

無物類纂 卷八十八 草屬 仙沼子 二

雙仁者可帶單方服治一切病每日取仁二七粒患
者服不過三十粒永差又名仙沼子聖知子預知子
聖先子嘉祐補注本草

預知子舊不載所出州土今淮蜀漢黔壁諸州有之
作蔓生依大木上葉綠有三角面淡背淡七月八月
有實作房初生青至熟淡紅色每房有子五七枚如
阜茨子斑褐色光潤如飛蛾舊說取二枚綴衣領上
遇蠱毒物則側側有聲當復知之故有此名今蜀人
極貴重云亦難得採無時其根味苦性極冷其効愈

於子山民目為聖無憂冬月採陰乾石臼內搗下篩

凡中蠱毒則水煎三錢匕溫服立已本草圖經

仙沼疑是仙棗之訛明李東壁本草綱目

謹按此草好生沼池上故名仙沼子

本草載預知子似阜茨蔓生依木按贊寧曰即仙沼
子生池間苗似牽牛有逆刺節有房殼殼中有二子
者取之三子者勿取為偏氣不足其二子陰陽和合
能除蠱毒其狀如龜經霜則帶黑色如採滿升其間
爆鳴似人輕微兩爪相擊聲取法將所採者分為二

分聽其有聲者何在則又分為二堆有鳴則記之佩於衣襟入蠱毒處其子鳴爆清皖桐方氏物理小識

謹按贊寧所說與圖經不同贊寧極博物當必不誤似可據也

預知子一名仙沼子贊寧曰生池間苗似牽牛有逆刺節有房殼殼內二子陰陽和合能除蠱毒子狀似龜經霜則黑色如采子滿升其間爆鳴似人兩爪相擊聲將所采者分為二聽有聲者何在又分為二有鳴則記之佩衣襟間入蠱毒處子自鳴爆三子為偏

氣不足不必採用本草謂蔓生依木子似阜莢非清

文英正字通

謹按本草謂蔓生依木子似阜莢者是也其云有實作房初生青至熟淡紅色每房有子五七枚者似有誤也

植物類集
卷八十八

青木香

植物類集
卷八十八

草屬
青木香
一

本草綱目卷之八十八

青木香

木香陶隱居云此即青木香也永昌不復貢今皆從外國舶上來乃云大秦國以療毒腫消惡氣有驗今皆用合香不入藥用惟制蛙蟲丸用之常能煮以沐浴大佳爾唐本注云此有二種當以崑崙來者為佳出西胡來者不善葉似羊蹄而長大花如菊花其實黃黑所在亦有之今按別本注云葉似薯蕷而根大花紫色功效極多為藥之要用陶云不入藥用非也

嘉祐補註本草

蘇物類錄卷之八十八

草屬 青木香 二

木香陶隱居云即青木香也根窠大類茄子葉似羊蹄而長大花如菊實黃黑亦有葉如山芋而開紫花者不拘時月採根芽為藥以其形如枯骨者良江淮間亦有此種名土青木香不堪入藥用本草圖經大業五年車駕西巡將入吐谷渾子蓋以彼多瘴氣獻青木香以禦霧露及帝還謂之曰人道公清定如此不子蓋謝曰臣安敢言清上是小心不敢納賄耳由此賜之口味百餘斛樊子蓋傳○隋書

馬兜鈴

一名土青木香嘉祐補註本草一名獨行根同上一名雲南根本草綱目一名都淋藤外臺祕要方一名三百兩銀藥同上一名蛇骨直保命歌括一名雙騎馬同上一名土木香同上一名天付符同上一名一寸金同上一名天仙藤廣嗣紀要

本草綱目卷之八十八

馬兜鈴

獨行根唐本注云蔓生葉似蘿摩其子如桃李枯則
 頭四開懸草木上其根扁長尺許作葛根氣亦似漢
 防己生古堤城傍山南名爲土青木香療丁腫大効
 一名兜零根今按別本注云不可多服吐痢不止唐本
 先附臣禹錫等謹按蜀本圖經云蔓生葉似蘿摩而圓
 且澀花青白色子名馬兜零十月已後頭開四系若
 囊中實似榆莢二月八月採根日乾所在平澤草木
 叢林中有嘉祐補注本草

馬兜鈴臣禹錫等謹按藥性論云馬兜鈴平能主肺氣上急坐息不得主效逆連連不可日華子云治痔瘻瘡以藥於餅中燒熏病處入藥灸用是土青木香獨行根子越州七八月採上同

馬兜鈴生關中今河東河北江淮夔浙州郡亦有之春生苗如藤蔓葉如山芋葉六月開黃紫花頗類枸杞花七月結實棗許大如鈴作四五瓣其根名雲南根似木香小指大赤黃色亦名土青木香七月八月採實暴乾主肺病三月採根治氣下膈止刺痛本草圖經

獨行根苗蔓生子則馬兜鈴也根扁其嗅稍似葛根細搗水調傳了腫後有馬兜鈴條宋寇宗奭本草衍義

馬兜鈴蔓生附木而上葉脫時鈴尚垂之其狀如馬項鈴故得名然熟時則自折折間有子全者採得時上同

馬兜鈴其根吐利人微有香氣故有獨行木香之名嶺南人用治蠱隱其名為三百兩銀藥肘后方作都

淋蓋誤傳也明李東璧本草綱目謹按淋外臺祕要方作淋

蘇氏曰馬兜鈴生關中及河東河北江淮夔浙州郡
古堤山崖及城旁與平澤叢林間皆有之春時蔓生
附木而上葉似蘿藦葉圓厚而濇入夏開花色青白
間有黃紫者結實似李而長五瓣霜降葉脫垂繫如
鈴故名枯則四裂中仁似榆莢根色黃赤似漢防己
稍小而扁其氣如葛根及木香氣修治采實去葉蔓
置布囊中掛屋角畔風乾去革膜取淨子焙乾用其
根即青木香八月采用明倪朱謨
本草彙言
備急席辯刺史云嶺南俚人毒藥皆因食得之多不

即覺漸不能食或更心中嘈脹並背急悶先寒似瘴
微覺即急取一片白銀含一宿銀變色即是藥也銀
色青是藍藥銀色黃赤是菌藥久久毒入眼眼或青
或黃赤若青是藍藥若黃赤是菌藥俚人有解療者
畏入得法在外預合或言三百頭牛藥或言三百兩
銀藥余住久與首領親狎知其藥並是常用俚人不
識本草乃妄言之唐王燾外
臺祕要方
都淋藤十二兩此藥嶺南有土人識俚人呼為三百
兩銀藥甚細長有高三尺微藤生切右一味以水一

升酒二升和煮取二升分三服服訖藥毒逐大小便
出十日慎毒食不差更服以差為度肘后云黃藤○同上

胡臭股內陰下恆溼臭或作瘡青木香好醋浸致臍
下夾之愈外臺祕要方○宋張杲醫說

馬兜鈴根名雲南根又名土青木香生關中及信州
潞州河東河北江淮夔州浙州郡皆有今高阜等去
處亦有之春生苗如藤蔓葉如山藥葉而厚大背白
開黃紫花頗類枸杞花結實如鈴作四五瓣葉脫時
鈴尚垂之其狀如馬項鈴故得名味苦性寒又云平

無毒救飢採葉燂熟用水浸去苦味淘淨油鹽調食

明徐光啓
農政全書

蛇骨直此味擣水噴蛇其骨即直又名雙騎馬又去

木香又天付符又一寸金明萬全保
命歌括

天仙藤即青木香苗莖也明萬全廣
嗣紀要

木木香根名青木香梗名天仙藤花名馬兜鈴明王
冒堂

證治
準繩

天仙藤即青木香同上

謹按醫學彙函醫學正印萬病必愈同

馬兜鈴藤繞樹生葉如山芋花黃紫色子狀如鈴

四五瓣根名雲南根亦名土青木香八閩通志

青木香馬兜鈴根重修鎮江府志

青木香味辛苦氣溫無毒可調諸氣九江府志

馬兜鈴根名青木香溫州府志

青木香化氣福寧州志

馬兜鈴其根為木香吳縣志

馬兜鈴苗如藤蔓葉如山蘋開黃紫花結實如鈴作

四五瓣根似木香江陰縣志

青木香一名五香枝莖節皆得五數重修靖江縣志

天仙藤葉似葛圓而小有白毛根有鬚四時不凋云一

即青木香○清汪昂增訂本草備要

誌云嶺南俚人解蠱毒喪人知其方乃詭言三百頭

牛藥或言三百兩銀藥久與親狎始得其實所云三

百頭牛藥者土常山也三百兩銀藥者馬兜鈴也俱

用水煎服即愈造蠱者取百蠱置皿中經年開視有

一蟲盡食諸蠱而獨存者為蠱故字從蟲從皿也能

隱形似鬼神其毒不一皆是變亂元氣多因飲食行

之與人爲患則主吉利所以小人造之以圖富貴咬
 入至或復從屍竅中出信候亦能取之清顧鼎醫
救死傷法
 馬兜鈴一名青木香春生苗作蔓附木而上葉如山
 蕈而厚大背白六月開黃紫花似枸杞結實如大棗
 作四五瓣葉脫後其實尚垂狀如馬項之鈴清陳湜
子祕傳
 鏡花

庶物類纂草屬卷之八十九目次


茜草

茜

一名茹蘆爾雅 一名茅蒐同上 一名地血名醫別錄
 一名牛蔓毛詩草木鳥獸疏 一名染緋草
 一名血見愁本草綱目 一名過山龍同上
 四補草同上 一名西天王草同上 一名四岳近陽
 草同上 一名鐵塔草同上 一名風車兒草同上
 血藤證治準繩

唐物類集卷之九

俗名換革捏山城州



茜草

茹蘆茅菟

爾雅○茹音如蘆力居切

今之蒨也

可以染絳爾雅註

今染絳蒨也

一名茹蘆詩鄭風云茹蘆在阪陸璣云一名地血齊人謂之茜徐州人謂之牛蔓

即今之蒨草是也

宋邢昺爾雅疏

今之蒨草可染絳

宋鄭夾深爾雅註

茜陶隱居云

此則今染絳茜草也東間諸處乃有而

少不如西多

今俗道經方不甚服用此當以其為療

蘇物類集卷之九

草屬 茜草 二

少而豐賤故也詩云茹蕙在阪者是臣禹錫等謹按蜀本圖經云漆緋草葉似棗葉頭尖下闊莖葉俱澀四五葉對生節間蔓延草木上根紫赤色今所在有八月采根爾雅云茹蕙茅蒐疏引陸璣云一名地血齊人謂之茜徐州人謂之牛蔓藥性論云茜根味甘主治六極傷心吐血瀉血用之陳藏器云茜根主蠱煮汁服之今之漆緋者字亦作蒨周禮庶氏掌除蠱毒以嘉草攻之嘉草蘘荷與茜主蠱為最也

嘉祐補註

草本

茜根一作蒨生喬山山谷今近處皆有之漆緋草也許慎說文解字以為人血所生葉似棗葉而頭尖下闊三五對生節間其苗蔓延草木上根紫色陸璣草木疏云茹蕙茅蒐蒨草也齊人謂之茜徐州人謂之牛蔓二月三月採根暴乾今圃人或作畦種蒨故貨殖傳云厄茜千石亦比千乘之家言地利之厚也醫家用治蠱毒尤勝周禮庶氏掌除蠱毒以嘉草攻之于寶以嘉草為蘘荷陳藏器以為蘘荷與茜主蠱之最也

本草圖經

茜草按陸佃云許氏說文言菟乃入血所化則草鬼
為菟以此也陶隱居本草言東方有而少不如西方
多則西草為茜又以此也陸璣云齊人謂之茜徐人
謂之牛蔓又草之盛者為蒨牽別為茹連覆為蒨則
蒨茹蒨之名又取此義也血所化之說恐亦俗傳耳
土宿真君本草云四補草其根茜草也一名西天王
草一名四岳近陽草一名鐵塔草風車兒草藏器曰
有名未用苗根即茜根也茜苗二字相似傳寫之誤
爾宜併之

明李東璧
本草綱目

茜草十二月生苗蔓延數尺方莖中空有筋外有細
刺數寸一節每節五葉葉如烏藥葉而糙澀面青背
綠七八月開花結實如小椒大中有細子同上
按虞搏云血藤即過山龍理亦相近未知的否姑附
之同上
土茜苗本草根名茜根一名地血一名茹蒨一名茅
菟一名菑生喬山川谷徐州人謂之牛蔓西土出者
佳今北土處處有之名土茜根可以染紅葉似棗葉
形頭尖下闊紋脉豎直莖方莖葉俱澀四五葉對生

無勿類纂 卷八十九 草屬 茜草 四

節間莖蔓延附草木開五瓣淡銀褐花結子小如菘
 豆粒生青熟紅根紫赤色味苦性寒無毒一云味甘
 一云味酸喪鼠姑葉味微酸救飢採葉燂熟換水淘
 去苦味油鹽調食子可搗為麪食明徐光啓
農政全書
 茹薏茅菟菑草也一名地血齊人謂之茜徐州人謂
 之牛蔓今圃人或作畦種蒔故貨殖傳云卮茜千石
 亦比千乘之家唐陸璣毛詩草
木鳥獸蟲魚疏
 茜亦作蒨可以染緋故曰地血亦曰茹薏曰茅菟齊
 謂之茜徐人謂之牛蔓詩所謂茹薏在阪爾雅所謂

茹薏茅菟莖葉麤澀而根紅故許慎謂人血所生周

禮庶氏掌徐蠱毒以嘉草攻之陳藏器以蘘荷與茜

為嘉草宋鄭夾漈昆
蟲草木略

爾雅曰茹薏茅菟葢茹薏一名茅菟其葉似棘可以

染絳說文曰人血所生故菟從草從鬼齊人謂之茜

陶隱居以為東方諸處乃有而少不如西多夫文西

草為茜其或又以此乎宋陸佃
埤雅


謹按埤雅所說可謂鑿也又按本草彙言引沈則

施曰紅花丹參牡丹皮赤芍藥皆屬血藥咸以色

命名也。茜草色赤甚于四種，不曰赤草、紅草，而曰茜草者，正見古人命名深，有取義所云。茜者從草，從西，取西方金氣入通于肺，止吐血暴血，由于肺病獨擅其能。他如痺疽跌撲諸疾，咸治者，實取行散瘀血之功。沈氏說如此，其誤亦甚矣。自明代而來，治本草者往往不由正路而趨他岐，率皆似此，可一揮以退也。

如薏苡，漆絳之草，葉似棗葉，頭尖下闊，莖葉俱澀。四五月葉對生，節間蔓延，草木上根紫赤色。今所在有，八月

採根，說文曰：人血所生，故一名地血。今如薏苡能治血，又所漆亦赤，蓋其類爾。古者士爵弁服，弁色赤而微黑，如爵頭裏亦纁色。士冠禮曰：爵弁服纁裳純衣緇，鞅帶鞅，鞅鞅縵鞅也。士縵鞅，幽衡合韋為之。漆以茅蒐因名焉。說文曰：茅蒐，漆韋，一入為鞅。詩曰：鞅鞅有頭。左傳鞅韋之跗，注是也。其女子之漆，則毛氏云：如薏苡，茅蒐之漆，女服也。鄭箋云：茅蒐，漆中也。則縞衣如薏苡為婦人服矣。國風曰：東門之墀，如薏苡在阪，其室甚適。其人甚遠，東門之栗，有踐家室，豈不爾思。子不我



卽蓋茹蕙女所以漆也今方在阪粟者女所以爲贄也方今在門則衣服贄見之物未備也時方春亂則不待禮而相奔矣齊人謂之蓐蓐或作茜漢書千畝厄茜是也今人漆蓐者乃假蘇方木非古所用宋羅願爾

雅翼

茜草卽過山龍明王百堂證治準繩

血藤卽過山龍同上

茜俗名過山龍亦曰血見愁重修鎮江府志

茜漆草南昌府志

茜可漆絳溫州府志

茜一作蓐又名茅蒐茹蕙多生喬山上漆絳之草葉青

背綠頭尖下闊似棗其莖方葉澀四五葉對生節間

蔓延於木上至秋開花結實如小椒中有細子根亦

紫赤色今所在有之說文云人血所生故俗名地血

齊人謂之蓐草貨殖傳曰千畝厄茜其人皆與千戶

侯等則誠嘉草也清陳誤子秘傳花鏡

庶物類編
卷之十一
一

